



REPUBLIKA E KOSOVËS - REPUBLIKA KOSOVA - REPUBLIC OF KOSOVO  
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL  
**PANELI ZGJEDHOR PËR ANKESA DHE PARASHTRESA**  
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

**Anr.174/2025**

PANELI ZGJEDHOR PËR ANKESA DHE PARASHTRESA (PZAP), në panelin e përbërë nga gjyqtarët: Skender Çoçaj kryesues, Kymete Kicaj dhe Arsim Hamzaj anëtarë, duke vendosur përkitazi me ankesën e Subjektit Politik Lëvizja Vetëvendosje (LVV), me seli në Prishtinë, paraqitur kundër Subjektit Politik Lidhja Demokratike e Kosovës (LDK), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore, për Zgjedhjet e Përgjithshme për Kuvendin e Republikës së Kosovës që do të mbahen më datë 09.02.2025, në seancën e panelit të mbajtur më datë 26.01.2025, merr këtë:

#### V E N D I M

- I. Pranohet e bazuar ankesa e Subjektit politik Lëvizja Vetëvendosje (LVV), me seli në Prishtinë, Anr.174/2025 e datës 24.01.2025.
- II. Subjektit Lidhja Demokratike e Kosovës (LDK), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, i shqiptohet dënimi më gjorbë në lartësi prej 3.500.00, (tremijepesëqind) Euro.
- III. Detyrohet Lidhja Demokratike e Kosovës (LDK), me seli në Prishtinë, që gjorbën e shqiptuar si në pikën -II-, të dispozitivit të këtij vendimi, ta paguaj në afat prej 15 ditëve, nga dita e plotfuqishmërisë së këtij vendimi.

#### A r s y e t i m

Me datë 24.01.2025 PZAP-i, ka pranuar një ankesë në të cilën pretendohet se më datë 23 Janar 2025, aktivistë të Lëvizjes VETËVENDOSJE!, në Besianë, kanë identifikuar banerët/posterët e vendosura në hapësirat/ objektet/muret/rrugët publike në kundërshtim me legjislacionin zgjedhor në fuqi, të kandidatës për deputete nga radhët e Subjektit Politik LDK-së, Arjeta Salihu Abazi në qendrën e qytetit të Besianës, konkretisht në Rrugën "Zahir Pajaziti" në sheshin e Besianës.

Më tej në ankesë thuhet se banerët/posterët e kandidatës në fjalë janë të vendosur në hapësirat, muret e banesave kolektive për të cilat nevojitet aprovimi i gjithë banorëve duke qenë se të njëjtat hapësira janë pronësi e përbashkët e tyre dhe nuk dihen pjesët alikuote të gjithë secilit nga banorët.

Me këtë veprim kandidatja dhe Subjekti Politik LDK, kanë bërë Shkelje të nenit 34, paragrafi 1 nën-paragrafit 1.2 të Ligjit Nr.08/L-228 për Zgjedhjet e Përgjithshme në Republikën e Kosovës - LZP, madje këtë shkelje e konsiderojnë të dyfishtë, pasi që fjala është për dy

posterë në ndërtesa të ndryshme, por për hir të parimit të ekonomizimit të procedurës dhe subjektit të njëjtë kanë vendosur që këto dy Shkelje të i vendosin në një mjet të goditjes.

Si provë parashtruesi ka bashkangjitur fotografi që dëshmojnë vendosjen e banerit/posterit në kundërshtim me LZP

Në përgjigje në ankesë të paraqitur më datë 26.01.2025, Subjekti Politik LDK, pretendon se kandidatja për deputete Arjeta Salihu Abazi, nga subjekti i tyre politik LDK, nuk ka bërë shkelje të nenit 34 paragrafi 1, nen paragrafi 1.2, nuk qëndron, sepse sipas tyre kandidatja për vendosjen e posterave ka pëlqimet e nevojshëm për shfrytëzimin e hapësirave publike, të cilat i ka bashkangjitur si prove në këtë përgjigje.

Për posteret e vendosur ne rr."Zahir Pajaziti" kandidatja në fjale ka aprovimin e të gjithë banoreve për vendosjen e materialit zgjedhor, kurse posterit tjetër i bashkëngjitur ne ankese është i vendosur ne prone private, për çka ka pëlqimin e pronarit privat por dhe faturën e tatimit ne prone si dëshmi shtese.

PZAP-i, pasi që shqyrtoj dhe vlerësoi ankesën gjeti se :

-Ankesa është e bazuar.

Paneli pas shikimit të shkresave të lëndës dhe përgjigjes në ankesë të paraqitur nga subjekti politik LDK, vlerësoj se pretendimet e Subjektit Politik LVV, janë të qëndrueshme dhe si të tilla i aprovoj për faktin se veprimet e përshkruara në ankesë paraqesin shkelje nga ana e subjektit politik LDK gjegjësisht e kandidatja për deputete nga ky subjekt politik ka vendosur banerë/posterëve në ndërtesë kolektive- publike, ku me këto veprime ka shkelur dispozitat e nenit 34 paragrafi 1 nën paragrafi 1.2 i Ligjit NR.08/L-228, për Zgjedhjet e Përgjithshme në Republikën e Kosovës, ku parashihet se *“Vendosja e njoftimeve, pllakateve dhe posterëve, ose përndryshe vendosja e emrave të tyre ose sloganeve në lidhje me fushatën zgjedhore brenda ose jashtë ndërtesave publike ose godinave në apo mbi rrugët publike, në shenjat publike të trafikut brenda ose jashtë hapësirave ose ndërtesave të zëna ose ndryshe që shfrytëzohen nga organizatat ndërkombëtare ose brenda ose ne hapësirat private pa lejen e pronareve ose shfrytëzuesve.”*

Subjektit politik LDK në përgjigje në ankesë ka kundërshtuar ankesën e parashtruesit duke theksuar se posterit i kandidates Arjeta Salihu Abazi, nga radhët Subjektit Politik LDK, është vendosur në hapësirën private, konkretisht në murin e banesës së titullarit juridik të banesës dhe i cili ka dhënë pëlqimin paraprak. Për Panelin këto pretendime janë të pa bazuar kjo pasi që posterat janë vendosur në hapësirat e jashtme të objekteve të banimit kolektiv dhe se për këtë raste duhet leje e veçantë nga Drejtoria përkatëse në Komunën e Besianës, Shkresa -pëlqim që është paraqit me përgjigje në ankesë, me emrat dhe nënshkrimet e banorëve të ndërtesës, për Panelin kjo provë nuk është relevante pasi që për shfrytëzimin e hapësirave të tilla nevojitet leja e organit kompetente dhe se personi fizik në fjalë nuk ka autorizime të tilla që të jap pëlqime për shfrytëzimin e hapësirave publike.

Paneli, me rastin e vendosjes së gjobës si në dispozitiv të këtij vendimi, ka marrë parasysh të gjitha rrethanat si në vijim: natyrën e shkeljes, dhe ndikimit të mundshëm të saj në procesin zgjedhor në fjalë, shkallën dhe peshën e shkeljes, se ky veprim i tyre përbën përsëritje të shkeljes së legjislacionit zgjedhor, pra ka bërë shkelje të tilla edhe në proceset e mëparshme zgjedhore dhe në këto zgjedhje. Kjo konsiston në faktin se Subjekti Politik LDK, ka qenë i njoftuar me obligimet dhe përgjegjësit gjatë procesit të fushatës zgjedhore. Andaj vendosja e posterëve-banerëve të subjektit të tyre politik për fushatë zgjedhore në objekte publike

gjegjësisht ndërtesë banimit kolektiv, përbën shkelje të legjislacionit zgjedhor, dhe të njëjta shkelje janë sanksionuar me dispozitat ligjore të LZP-së.

Andaj duke u mbështetur në nenin 117.3 të LZP-së ku përcaktohet se: “vendosja për ankesat nga PZAP-ja mbështetet në dëshmi të qarta dhe bindëse”, Paneli vlerësoj se pretendimet e tilla janë të qëndrueshme dhe si të tilla i pranoi, sepse kjo shkelje ka të bëjë me faktin se Kodi i Mirësjelljes i detyron të gjitha subjektet politike, kandidatët, anëtarët e subjekteve dhe mbështetësit e tyre që ta respektojnë këtë kod me qëllim të krijimit të kushteve që gjatë periudhës së fushatës, veprimet e subjekteve politik të jenë në një atmosferë të tolerancës demokratike, paqes dhe respektit për sundimin e ligjit se nga veprimet e përshkruara në ankesë nga parashtruesi i ankesës paraqesin shkelje të dispozitave të lartcekura, dhe të njëjtën e pranoi si të bazuar.

Nga arsyet e theksuar më lartë duke bazuar nenin 117 paragrafi 3, neni 118 paragrafi 1 dhe neni 120 paragrafi 1 nën paragrafi 1.3 të LZP-së, të LZP-së, paneli vendosi si në dispozitiv të këtij vendimi.

Paneli Zgjedhor për Ankesa dhe Parashtrësia  
Anr.174/2025 datë 26.01.2025



*Këshilla Juridike: Kundër këtij vendimi nuk është e lejuar ankesa sipas nenit 118 par. 4 të LZP-së.*